

# **DNPKK-MI PARTISIPA IHA REUNIAUN PAN-RKSNU 1325**

Dili-Diresaun Nasional Prevensaun Konflitu Komunitária, Ministériu Interior (DNPKK-MI) hamutuk ho parseiru UN WOMEN iha sesta feira (22/02/19) foin lalais, konvoka enkontru daruak ho ekipa monitorizasaun hosi liña ministeriál no sociedade sivil ne'ebé implementa Planu Asaun Nasional, Rezolusaun Konsellu Seguransa Nasoens Unidas (PAN-RKSNU) 1325 kona-ba Feto, Pás no Seguransa. Sorumutu ne'e realiza iha salaun Ministériu Interior hodi diskute kona-ba minutas



enkontru dahuluk ne'ebé hala'o ona iha loron 18 dezembru 2018, apresentasaun PAA no relatóriu implementasaun nomós ezelesaun orsamentu kada liña ministeriál no atualiza rezultadu rekolla informasaun hosi kada ekipa monitorizasaun iha instituisaun relevante sira relaciona ho pilár prevensaun, protesaun, partisipasaun no harii pás hosi PAN 1325. Iha enkontru, ekipa sira haforsa liutan ideia hodi desenvolve no kria formatu monitorizasaun no análise relatóriu nu'udar instrumentu ida ne'ebé sei utiliza atu monitoriza fila fali atividade PAN 1325, ne'ebé maka liña ministeriál implementa tiha ona iha período 2016 to'o 2018. Tuir planu enkontru datoluk sei hala'o iha loron 01 Marsu 2019, hodi diskute kona-ba formatu monitorizasaun no relatóriu, ne'ebé sei apresenta hosi UPMA no UN WOMEN. Marka prezensa iha enkontru ne'e, Diretora DNPKK Sra. Lidia Lopes de Carvalho, Xefe Departamentu Prevensaun Konflitu (DPK) Sr. Martinho Carvalho Sarmiento, Xefe Departamentu Rezolusaun Konflitu (DRK) Sr. Julião Fernandes, Xefe Departamentu Sekretariadu Administrasaun (DSA) Sr. Patricio Moreira, Representante UN WOMEN Sra. Vicenta Correia no ekipa monnitorizasaun PAN 1325, kompostu hosi MI, PDHJ, SEIL, UPMA no Rede Feto.

\*CM&SD\*